

Decemberip uvdluisa sisamāne Kalâtdlit-nunāne folketingimut kinersinek pivdlugo isúmat

agdlagtok: Jakob Janussen

decemberip uvdluisa sisamāne folketingimut kinersinek ardlaligssuarnik sokutigintokarpok. Kalâtdlit-nunāne kinersinerup inernera kisitsisidlo taisinerup inernere Danmarkime pissunit alutornarnerúngitsungitdlat. kinersinerup inernera atautsimut issigalugo – mánime Atlantikup mânia'tungânîtdlune angnertunerussumik pāsissagssat pigssarsiariumi-naingmata – isumasioriaraluásavara; taisineritdle kisitsisingordlutik sarkúmerenere taimaitīnardlugit unigfigīnarumangit kinersivingme kujatdlerme ássigīngitsut erkarsautigalugit avangnardlermit kinersivigtut sokutiginarnerokissume kinersinerup inernera misigssorsimavara. kinersivingmik avangnardlermik sumigīnaissutut pasinekarukunanga ersserkigsásavara sók kinersivik kujatdlek avangnardlermit sokutiginarnerussutut issigigiga: 1) kinersisínaussut 60 procenté sivnilârdlutik kinersivingme kujatdlernīput. 2) pingártumik kinersivingme tássane igdlokarfīt nunakarfītdlo ingmíkôrutait pāsiniarumarput. 3) aporauti-

vigsornek kujatāne pivok, kīsalo 4) taisekatausínaussut – nunavtīne pissartut erkarsautigalugit – kakutigōrtumik amerdlanârdlutik kinersinerme pekátáuput.

ússearnartorsiornaraluakaok kinersinerup inernera autdlâvigalugo politikime kanok pissokartarneranik isumaúsínaussut aniatísavdlugit. mauna navsuiautáinakulúnguanik kisitsisinik ilâtigutdlo ilimagissanik túngavekartunik sarkúmiússísauanga. agdlagkame uvanga nangminex isúmavnik sarkúmertokartarsínaungmat issertorniásangitdluinarpara.

kinersekatausínaussut amerdlángitsuinait mānamut kinersissarnerne pekataussarnerat politikime kanok pissokartarneranik isumasiuissartut sangmissáine nalunekángitsune navsuiarnekarúsinauvok. māne taitsiáínásavarput ilíniagakarsimássusek nalunekángitsutut nunavtīne sule angnertúngitsok. tainekarsínaussok avdla tássa kinersinerme pekatausínaunerup nutaukujússusia. puigortariakángilak nutámik árkigssússinek tikit-

dlugo kommunerádit kisimik kinersissartunit kinernekartarmata landsrádinutdlo mardluviussunut ilaussortat kinersissartut kinigáinit kinernekartardlutik. taiumassama pingajuat tássa ingminut atássutekarfiginiarnerup pissaríssusialúnít. sôrdlo nalunekángitsoq. pissariukujukusimakaok, píssutekavigsumingme. sule atausek pingártumik folketingimut kinersissarnermut túngatitdlugo taiumassara tássa kalátdlit kinersissartut folketingimik – ímakame okartugssautitanik tamanik – issigingningnerat mardluvingnik navsuiarnekarínaussok. áipátigut kinersissartut nalúngilát agssortornagulo folketinge tássaussok politikícut okartugssauvfít angnerssát, áipátigutdle isumakarsorinarput – kularnángitsumik ilumôrdlutik – politikícut súniutigisínaussatik angnertúngekissut. avdlatut okautigalugo: politike folketingime pissartok ingmingnut sokutaungángitsutut issigát. ukiak mána kinersinekalerpok pissut sujgdllít najorkutaralugit kavdlunát ilakutarít nangminerissamingnik igdlokarngissánik sangmingnivfiúsánguatsiartumik, kinersinigssamilo ilimanaraluarpok kalátdlit folketingimut ilaussortat kinigaorkísassut kinersinigssarme taima sujorkutitsiartigalugo nalunaerutiginekarmat; sunauvfale kinersinek ilimaginekángitdluínartumik inernekásassok. isumaga maligdlugo imáissimagunarpok 1971-ime landsrádemut folketingimutdlo kinersinerit kingorna politikícut okatdlítokarsimassok okariartausekalersimassordlo kinersissartut pásisínaussáinik. politikícut okatdlínerup táussumarpiaup kavdlunát Kalátdlit-nunánítut ánilártivigsorsimagunarpai tássa isumaliulersitdlugit kakugorssúngitsoq Kalátdlit-nuná-

nit anisitaujumârdlutik. kularutigíngitdluínarpara politikícut erkarsautit nutát kinersiuitsut kinersiartornigssánik pilersârsimagait tamássumarpiauvdlo kalátdlit kavdlunâtdlo ikinârnatik kinersiartukátísimagai. kinersinerme pekataussut taima amerdlatiginerat píssutsinik ersserkigsainertut pásissariakarpok. kinersinerup matuma kingorna nalujungnaerparput mánákumut politikip ingerdlánekarximassup igdlersortai sumítut Mòrsisivdlo okausê atordlugit Kalátdlitnunáne politike upernâp kúatut supissoq kanok angnertutigissumik tapersersornekartok.

kinersivingme kujatdlerme taissinerup inernere sâgkuvtigik igdlokarfingnilo taisisimassut atautsimut katitdlugit nuna- karfingnilo taisissut atautsimôrtitdlugit ingmíkôrtitdlugit agssortornekarínaungitdluínarpok Sisimiut – Mòrsisip nuná – erkarsautigíngikáine Níkulát igdlokarfingne taiorarnekarximassok Mòrsisilo nunakarfingmiunit – taimâgdllát savautilingnit pínane – tapersersornekarximavdlune. taima kisitsisinik ingmíkôrtiterinerme Ivigtût Narssarssuardlo ilángúsímángiláka táukunane píssutsit kinersiviup sivnerane píssutsinit avdlauvdluínarmata. igdlokarfingne taisissut 53 procentingajaisa Níkulát taisimavát 47 procentísalo sivnilârdlutik Mòrsise taisimavdlugo. akerdlianik nunakarfingne taisissut 43 procentísa sivnilârdlutik Níkulát taisimavát 57 procentingajaisalo Mòrsise taisimavdlugo. malungnardluínarpok igdlokarfingne okartugssautitat najugakarfiginerussáine – sôrdlo Núngme K'akortumilo – Níkolâp Mòrsisimit nakûneruvdluínarnera Mòrsisile nuna- karfingne aulisarneríngajangmik inûtig-

ssarsiorfiussune inigssitdluarsimakalune. taimátaok igdlokarfingne aularfiu-
vduartune – sôrdlo Manítsume Pâmiu-
nilo – Níkulâmut nagdlersútingajag-
dlune. Môrsisip unangmitdlersiminut
Narssame ajugaunera kulárnángitsumik
píssutekarpok avangnânit nugtertorpâ-
lugssuit kinersimangmássuk.

kinersivingme avangnardlerme Knud
Hertlingip Lars Emil Johansenimut
ajorssarnera píssutekarunarpok Kunûtip
kinersissartunut atássutekarparatdlâr-
neranik, EF pivdlugo isumânik kingorâr-
tigssaminigdlo tíkuaineranik. ingassagta-
jângíkaluartumik inuiakatigít niorkutig-

ssiorfingnik pigissakarnigssânik igdler-
suissutut ingminut okautigisimagáine ká-
ngugtaitdliorniángíkáine Otto Steenholdt
– angut nangminerssortuínait niorkutig-
ssiorfingnik pigissakarnigssânik taima
igdlersuitigissok – kingorártigssatut
tíkuarneq ajornakaok.

okautsit kingugdílít Kunûtimut túnga-
ssut isumaga imáitok avdlángortíngilât:
mânamut nunavtínut ministeriussartunit
Kunûte pítsaunerpátut issigiuarpara. –
Venstret nálagkersuissúngortut nersua-
lârtariakarput inuk – Kalâtdlit-nunât
erkarsautigalugo – kiviüngitsok Kalât-
dlit-nunânut ministeríngortísimagamíko.

FREM MED AMATØRFOTOGRAFERNE!

Som en munter optakt til en hyggelig sammenkomst i Det grønlandske Selskab i december har vi tænkt os at vise et uhøjtideligt og afvekslende udvalg af medlemmernes farvelsbilleder fra hele Grønland.

Vil De derfor bidrage til denne festlige lysbilledaften med nogle af Deres morsomste, smukkeste eller mest dramatiske fotomotiver, så send os indtil 3 farvedias og ledsag hvert billede med en kort tekst, der fortæller, hvorfor De netop har valgt dette billede.

Billedernes indhold er vigtigere end en absolut perfekt teknisk kvalitet.

Der må højst indsendes 3 farvediapositiver (24×36 mm) pr. medlem, og teksterne må ikke fylde mere end 5 linier pr. billede.

Alle dias skal være monterede og forsynet med navn eller mærke.

Vi skal nok passe godt på de indsendte billeder, som selvfølgelig alle returneres.

Sidste frist for indsendelsen er den 1. september 1974. Billederne sendes til Det grønlandske Selskab, Kraemer Hus, L. E. Bruunsvej 10, 2920 Charlottenlund.

Bestyrelsen.